

չաններ են ցոյց տալիս (Ֆրանսա, Իտալիա, Թիւրքիա, Աւստրո-Հունգարիա, եւն.) : Աշխատաւորական դանդուածները, մասնաւորապէս անօրինակ թշուառութեան, արդէն այն դիտակցութեանն են եկել, որ փրկութիւնը յապիտութեան մէջ է, որի դէպքում իրենք, Մարքսի ասածի պէս, ոչինչ չունին կորսնցնելիք, բացի իրենց շղթաներից : Եւ այս բոլորի դէմ փայլում է հոկտեմբերեան յեղափոխութեան կարմիր աստղը՝ իրբեւ փրկութեան փարոս . . . Ի՞նչը կարող է այլեւս կասեցնել ընկերային յեղափոխութեան բռնկումը զոնէ պատերազմող երկիրներում . . .

Այսպէս էին մտածում բոլշեւիկները, մեծից մինչեւ փոքրը, հոկտեմբերեան յեղաշրջման ժամանակ : Այդ օրերին ամերիկացի հրապարակալիրներէից մէկը առիթ է ունենում տեսնուելու Լենինի հետ : Մի ժամուան խօսակցութեան ընթացքում, ասում է նա, Լենինը հինգ անգամ մօտեցաւ հեռախօսին՝ լուր առնելու համար Գերմանիայում «րոպէ առ րոպէ սպասուող» ընկերային շարժումներից . . .

Այսօր մենք այլեւս կարիք չունինք փաստերի յետեւից ընկնելու՝ ցոյց տալու համար, թէ որքա՞ն երազական էին այն յոյսերը, որոնք մղում էին բոլշեւիկներին դէպի «պրոլետարական յեղափոխութեան» պատնէշները : Ինքը Լենինը հեզնել է արդէն այդ յոյսերը Բրեստ-Լիտովսկեան խաղաղութիւնը ստորագրելիս, Կրոնշտադի բանուորներին եւ նաւատիրներին թնդանօթային կրակի տակ առնելիս եւ, վերջապէս, «պրոլետարական յեղափոխութիւնը» մանր-բուրժուական հռչակաւոր «Նեպի» հունը խոթելիս . . .

Սակայն, ընկերային յեղափոխութեան պատմութիւնը սրանով չէ վերջանում : Եթէ համաշխարհային ընկերային յեղափոխութիւնը ինքն իրեն չէ ուզում դալ, ապա նրան պէտք է դուռով բերել ! Բոլշեւիկեան յուսախարուած երազները մի նոր հանգրուան դտան այս մտքի մէջ Բրեստ-Լիտովսկի դաշնագրից յետոյ : Եւ, ոգեւորուած այս մտքով, նրանք տենդային աշխատանքների ձեռնարկեցին ե՛ւ Գերմանիայում ե՛ւ Աւստրո-Հունգարիայում ե՛ւ Իտալիայում եւ ամէն տեղ՝ իրենց ակնկալած ընկերային յեղափոխութիւնը դարձնելու, արագ-

ցընելու կամ բռնկեցնելու համար : Սրա համար նրանք միջազգային բանուորական շարժումը պառակտեցին, «Կոմիտերն» ստեղծեցին, Ռուսաստանի պետական դանձարանը ըստպատեցին, եւն. , եւն. :

Այս աշխատանքների արդիւնքը եւս այսօր մեր աչքի առաջ է : Արդիւնքն այն է, որ մի շարք երկիրներում բանուորութեան արիւնը գետի պէս հոսեց, պատերազմի պատճառած թշուառութիւնը քաղաքացիական կռիւներով բազմապատուեց, սրպէսպի . . . որպէսպի «համաշխարհային ընկերային» տեղ համաշխարհային Փաշիգմը դիւային քրքիջով իր յաղթական երթը կատարի . . .

Սօսենք փաստերով :
— 1918-ի վերջերին, Մոսկուայի մեքենայութիւններով ընկերային յեղափոխութեան դրօշը բարձրացաւ Հունգարիայում՝ Բէլա-Կունի առաջնորդութեամբ : Կարճատեւ կայծկրլտումից յետոյ այդ յեղափոխութիւնը տապալուեց եւ, այդ օրից մինչեւ հիմա, հունգարական աշխատաւորութիւնը ճգմում է ծովազալ Հորտիի երկաթէ կրունկների տակ :

— Նոյն օրերին նոյն ներշնչումներով Բաւարիայի ընկերային յեղափոխութիւնը բարնկեց՝ Կուրտ Այսների գաղափարական դեկավարութեամբ : Յեղափոխութիւնը պարտուեց եւ, այդ ժամանակից ի վեր, Գերմանիայում ոչ մի անկիւն չկայ, ուր քաղաքական յետաշրջումը այնքա՞ն զօրեղ լինի, որքան Բաւարիայում : Լիւզենդորֆեան ուսախտները եւ Հիտլերեան «սեւ շապիկաւորները», ամէն կարգի միապետականների հետ միասին, իրենց միջնաբերդն են դարձրել Բաւարիան եւ այնտեղից շարունակ ականներ են փորում գերմանական հանրապետութեան դէմ : Վերջինս վաղուց այս դաւերին զոհ գացած կը լինէր, եթէ չունենար մի Սոցիալ-Դեմոկրատիա, որը կուրծք տալով բոլշեւիկեան եւ Փաշիստական ներգաշնակուած գրոհներին՝ պաշտպանում է հանրապետական ուժերը :

— 1920-ին բոլշեւիկները իրենց ազդեցութեան տակ առնելով Իտալիայի բանուորութեան մի մասը՝ ընկերային յեղափոխութեան փորձերի ձեռնարկեցին Միլանում, Նէսպոլում, Հոովմում եւ արդիւնաբերական